



basic education

Department:
Basic Education
REPUBLIC OF SOUTH AFRICA

**SENIOR CERTIFICATE/
NATIONAL SENIOR CERTIFICATE**

MOPHATO 12

SETSWANA PUOTLALELETSO YA NTLHA (FAL)

PAMPIRI YA BORARO (P3)

NGWANAITSEELE 2020

KAEDI YA GO TSHWAYA

MADUO: 100

Kaedi e ya go tshwaya e na le ditsebe di le 15.

ELA TLHOKO:

- Dirisa ruboriki ka gale fa o tshwaya tlhamo ya boithlamedi (Pampiri 3. KAROLO YA A).
- Maduo a go tloga go 0–50 a arogantswe ka maemo a le 5 a ditlhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le ditlhaloso.
- Kagego ga e angwe ke karologantsho ya maemo a a kwa godimo le maemo a a kwa tlase.

RUBORIKI YA TLHATLHOBO TLHAMO YA PUOTLALELETSO YA NTLHA [50 MADUO]

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG LE IPAKANYO (Tsibogelo le dikakanyo) Thulaganyo ya dikakanyo tsa ipakanyo Temogo ya maitlomo, baamogedi le bokao 30 MADUO	Maemo a kwa godimo	28–30 -Tsibogelo ya maemo a a kwa godimo go gaisa a a tlwaelegileng -Dikakanyo tse di bothale, tse di gwetlhang mogopolo le go supa kgolo -E rulagantswe le go lomagana ka maemo a dinaledi go tsenyeletsa matseno, mmele le bokhutlo	22–24 -Tsibogelo e e tlhamilweng ka matsetseleko -Dikakanyo tse di maleba tota gape di kgatlhisa le bosupi jwa kgolo -E rulagantswe bontle thata le go lomagana go tsenyeletsa matseno, mmele le bokhutlo	16–18 -Tsibogelo e e itumedisang -Dikakanyo di lomagane mo go tlhaloganyegang e bile go kgotsofatsa -E rulagane le go lomagana mo go tlhaloganyegang go tsenyeletsa matseno, mmele le bokhutlo	10–12 -Tsibogelo ya tomagano e e sa tlhomamang -Dikakanyo tse di sa tlhapang e bile di se na boithlamedi -Bosupi jo bonnye jwa thulaganyo le tomagano	4–6 -Tsibogelo e e seng maleba gotlhelele -Dikakanyo tse di tlhakatlhakaneng le go tlhoka tsepamo -Di gasagane le go boelediwa -Ga e a rulagana e bile ga e a lomagana
		25–27 -Tsibogelo e e manontlhotlho, mme e tlhabela ditlhokego tse di tsibosang tsa tlhamo ya maemo a dinaledi -Dikakanyo tse di bothale e bile di supa kgolo -E rulagantswe ka matsetseleko le ka tomagano go tsenyeletsa matseno, mmele le bokhutlo	19–21 -Tsibogelo e e tlhamilweng ka matsetseleko -Dikakanyo tse di maleba gape di kgatlhisa -E rulagantswe bontle le go lomagana go tsenyeletsa matseno, mmele le bokhutlo	13–15 -Tsibogelo e e itumedisang, mme e latlhelgelwa ke go tlhaloganyesega -Dikakanyo di lomagane le go kgotsofatsa -Maemo a a rileng a thulaganyo le tomagano go tsenyeletsa matseno, mmele le bokhutlo	7–9 -Bogolo jwa tsibogelo ga bo maleba -Dikakanyo tse di sa lomaganeng e bile di tlhakatlhakane -Ga go na bosupi jwa thulaganyo le tomagano	0–3 -Ga go na maiteko a go tsibogela setlhogo -Dikakanyo tse di seng maleba e bile di sa siana gotlhelele -Ipaakanyo e e sa tsepamang e bile e tlhakatlhakane

RUBORIKI YA TLHATLHOBO TLHAMO YA PUOTLALELETSO YA NTLHA [50 MADUO] (continued)

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaelang	Ga a fitlhelela
<p>PUO, SETAELE LE GO TSELEGANYA/ RUNA</p> <p>Segalo, rejisetara, setaele le tlotlofoko tse di maleba go maikaelelo/ ditlamorago le bokao Tlhopho ya mafoko Tiriso ya puo le melawana, tiriso ya matshwao a puiso, thutapuo le mopeleto</p> <p>15 MADUO</p>	<p>Maemo a kwa godimo</p> <p>Maemo a kwa tlase</p>	<p>14–15</p> <p>-Segalo, rejisetara, setaele le tlotlofoko di maleba le maikaelelo, baamogedi le bokao ka maemo a a kwa godimo</p> <p>-Puo e e tlhololo, e itumedisa ka maemo a a tlaaolegileng</p> <p>-Segalo se se nang le maikaelelo a a tlhotlheletsang</p> <p>-Ga go na diphoso tsa thutapuo le tsa mopeleto ka gotlhe</p> <p>-Puo e e manontlhotlho ya maemo a a kwa godimo</p>	<p>11–12</p> <p>-Segalo, rejisetara, setaele le tlotlofoko di maleba thata le maikaelelo, baamogedi le bokao</p> <p>-Puo e nonofile le tiriso ya segalo e maleba</p> <p>-Bogolo jwa yona ga bo na diphoso tsa thutapuo le mopeleto</p> <p>-Puo e tshamilwe ka matsetseleko</p>	<p>8–9</p> <p>-Segalo, rejisetara, setaele le tlotlofoko di maleba le maikaelelo, baamogedi le bokao</p> <p>-Tiriso e e maleba ya puo go tshagisa bokao</p> <p>-Segalo se maleba</p> <p>-Tiriso ya malepa a a tlhotlheletsang ya go tshagisa diteng</p>	<p>5–6</p> <p>-Segalo, rejisetara, setaele le tlotlofoko ga di maleba le maikaelelo, baamogedi le bokao</p> <p>-Tiriso ya puo ke ya maemo a motheo thata</p> <p>-Segalo, tlhopho le tiriso ya mafoko e e seng maleba</p> <p>-Tlotlofoko e lekanyeditswe thata</p>	<p>0–3</p> <p>-Puo ga e tshaloganyesege</p> <p>-Segalo, rejisetara, setaele le tlotlofoko bomaleba jwa tsona bo kwa tlase le maikaelelo, baamogedi le bokao</p> <p>-Tlotlofoko e nnye thata, mme e dira gore go nne thata go tshaloganya</p>
		<p>13</p> <p>-Puo e e matsetseleko ya tlhotlheletso e e nonofileng mo segalong</p> <p>-Ga e na diphoso tsa thutapuo le tsa mopeleto ka gotlhe</p> <p>-E tshamilwe ka manontlhotlho</p>	<p>10</p> <p>-Puo e e ngokang e bile e nonofile ka kakaretso</p> <p>-Segalo se se siameng se nonofile</p> <p>-Diphoso tse di mmalwa tsa thutapuo le mopeleto</p> <p>-E tshamilwe bontle</p>	<p>7</p> <p>-Tiriso ya puo e e mo magareng, ka go tlhoka tsepamo</p> <p>-Segalo se siame ka kakaretso le tiriso e e lekanyeditsweng ya malepa a tlhotlheletso</p>	<p>4</p> <p>-Tiriso e e bokoa ya puo</p> <p>-Mefuta ya dipolelo e mennye kgotsa ga e teng gotlhelele</p> <p>-Tlotlofoko e e lekanyeditsweng tota</p>	
<p>KAGEGO</p> <p>Diponagalo tsa sethangwa</p> <p>Kago ya ditemana le go tshangwa ga dipolelo</p> <p>5 MADUO</p>		<p>5</p> <p>-Kago e e manontlhotlho ya setlhogo</p> <p>-Dintlhana tse di tlaaolegileng</p> <p>-Dipolelo, ditemana di bopilwe bontlentle</p>	<p>4</p> <p>-Kago e e latelanang ya dintlhana</p> <p>-Lomagane</p> <p>-Dipolelo le ditemana di a latelana, di a farologana</p>	<p>3</p> <p>-Kago ya dintlhana tse di maleba</p> <p>-Dipolelo le ditemana tse di bopilweng sentle</p> <p>-Tlhamo e sa ntse e na le tshaloganyo</p>	<p>2</p> <p>-Go na le dintlha dingwe tse di amogelesegang</p> <p>-Dipolelo le ditemana di fosagetse</p> <p>-Tlhamo e sa ntse e na le tshaloganyo</p>	<p>0–1</p> <p>-Dintlha tse di botlhokwa di a tshaela</p> <p>-Dipolelo le ditemana di fosagetse</p> <p>-Tlhamo e tlhoka tshaloganyo</p>
<p>SEELO SA MADUO</p>		<p>43–50</p>	<p>33–40</p>	<p>23–30</p>	<p>13–20</p>	<p>0–10</p>

RUBORIKI YA TLHATLHOBO YA SETLHANGWA SA TIRISANO SE SELEELE SA PUOTLALELETSO YA NTLHA [30 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tihaelang	Ga a fitlhelela
DITENG, THULAGANYO LE SEBOPEGO Tsibogelo le dikakanyo Kokoanyo ya dikakanyo gore go rulagangwe Maitlthomo, baamogedi, diponagalo/melawana le tiriso MADUO 18	15–18 -Tsibogelo ya maemo a a kwa godimo go gaisa se se lebeletsweng ka gale -Dikakanyo tse di bothhale, tse di gamogileng -Kitso e e tseneletseng ya diponagalo tsa mofuta wa setlhangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhe di tshegetsang setlhogo -Sebopego se se maleba gape se nepagetse	11–14 -Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsang setlhogo -Sebopego se se lolameng ka diphoso tse dinnye	8–10 -Tsibogelo e e lekaneng e e bontshang kitso ya diponagalo tsa mofuta wa setlhangwa -Ga e a tsepama ka gotlhe – go na le go eta e fapoga mo setlhogong -Diteng le dikakanyo di lomagane mo go utlwalang -Dintlha dingwe di tshegetsang setlhogo -Sebopego se se maleba ka kakaretso fela go na le go sa nepagale go go rileng	5–7 -Tsibogelo e e kwa tlase e e supang kitso ya diponagalo tsa mofuta wa setlhangwa -Go na le tsepamo e e rileng, mme kwalo e fapogile setlhogo -Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlodisiwa matlho go go tseneletseng	0–4 -Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego
PUO, SETAELE LE GO TSELEGANYA/RUNA Segalo, rejisetara, setaele, maitlthomo, baamogedi le tiriso Tiriso ya puo le melawana Tlhopho ya mafoko Matshwao a puo le mopeleto MADUO 12	10–12 -Segalo, rejisetara, setaele le tlotlofoko tse di lolameng thatathata le maitlthomo, baamogedi le tiriso -Thutapuo e nepagetse e bile e agegile sentle -E e se nang diphoso gotlhelele	8–9 -Segalo, rejisetara, setaele le tlotlofoko tse di lolameng thata le maitlthomo, baamogedi le tiriso -Thutapuo e nepagetse ka kakaretso e bile e agegile sentle -Tlotlofoko e e siameng tota -Bogolo ga go na diphoso	6–7 -Segalo, rejisetara, setaele le tlotlofoko di maleba le maitlthomo, baamogedi le tiriso -Go diphoso dingwe tsa thutapuo -Tlotlofoko e e lekaneng -Diphoso ga di kgoreletse bokao	4–5 -Segalo, rejisetara, setaele le tlotlofoko di fosagetse go le gonnye go maitlthomo, baamogedi le tiriso -Thutapuo e e sa lolameng ka diphoso tse dintsi -Tlotlofoko e e lekanyeditsweng -Bokao bo kgoreletsegile	0–3 -Segalo, rejisetara, setaele le tlotlofoko ga di tsamaisane le maitlthomo, baamogedi le tiriso -E phephetha ka diphoso gape e tlhakatlhakane -Tlotlofoko ga e maleba go maitlthomo -Bokao bo kgoreletsegile tota
SEELO SA MADUO	25–30	19–23	14–17	9–12	0–7

RUBORIKI YA TLHATLHOBO YA SETLHANGWA SA TIRISANO SE SEKHUTSHWANE SA PUOTLALELETSO YA NTLHA KAROLO YA C [20 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tliaelang	Ga a fitlhelela
<p>DITENG, THULAGANYO LE SEBOPEGO</p> <p>Tsibogelo le dikakanyo Kokoanyo ya dikakanyo gore go rulaganngwe Maitlhommo, baamogedi, diponagalo/melawana le tiriso</p> <p>MADUO 12</p>	<p>10–12</p> <p>-Tsibogelo ya maemo a a kwa godimo go gaisa se se lebeletsweng ka gale -Dikakanyo tse di botlhale, tse di gamogileng -Kitso e e tseneletseng ya diponagalo tsa mofuta wa setlhangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhe di tshegetsang setlhogo -Sebopego se se maleba gape se nepagetse</p>	<p>8–9</p> <p>-Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsang setlhogo -Sebopego se se lolameng ka diphoso tse dinnye</p>	<p>6–7</p> <p>-Tsibogelo e e lekaneng e e bontshang kitso ya diponagalo tsa mofuta wa setlhangwa -Ga e a tsepama ka gotlhe – go na le go eta e fapoga mo setlhogong -Diteng le dikakanyo di lomagane mo go utlwalang -Dintlha dingwe di tshegetsang setlhogo -Sebopego se se maleba ka kakaretso fela go na le go sa nepagale go go rileng</p>	<p>4–5</p> <p>-Tsibogelo e e kwa tlase e e supang kitso ya diponagalo tsa mofuta wa setlhangwa -Go na le tsepamo e e rileng, mme kwalo e fapogile setlhogo -Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlodisiwa matlho go go tseneletseng</p>	<p>0–3</p> <p>-Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego</p>
<p>PUO, SETAELE LE GO TSELEGANYA/RUNA</p> <p>Segalo, rejisetara, setaele, maitlhommo, baamogedi le tiriso Tiriso ya puo le melawana Tlhopho ya mafoko Matshwao a puo le mopeleto</p> <p>MADUO 08</p>	<p>7–8</p> <p>-Segalo, rejisetara, setaele le tlotlofoko tse di maleba thatathata le maitlhommo, baamogedi le tiriso -Thutapuo e nepagetse e bile e agegile sentle -E e se nang diphoso gotlhelele</p>	<p>5–6</p> <p>-Segalo, rejisetara, setaele le tlotlofoko tse di maleba thata le maitlhommo, baamogedi le tiriso -Thutapuo e nepagetse ka kakaretso e bile e agegile sentle -Tlotlofoko e e siameng tota -Bogolo ga go na diphoso</p>	<p>4</p> <p>-Segalo, rejisetara, setaele le tlotlofoko di maleba le maitlhommo, baamogedi le tiriso -Go diphoso dingwe tsa thutapuo -Tlotlofoko e e lekaneng -Diphoso ga di kgoreletse bokao</p>	<p>3</p> <p>-Segalo, rejisetara, setaele le tlotlofoko di fosagetse go le gonnye go maitlhommo, baamogedi le tiriso -Thutapuo e e sa lolamang ka diphoso tse dintsi -Tlotlofoko e e lekanyeditsweng -Bokao bo kgoreletsegile</p>	<p>0–2</p> <p>-Segalo, rejisetara, setaele le tlotlofoko ga di tsamaisane le maitlhommo, baamogedi le tiriso -E phephetha ka diphoso gape e tlhakatlhakane -Tlotlofoko ga e maleba go maitlhommo -Bokao bo kgoreletsegile tota</p>
SEELO SA MADUO	17–20	13–15	10–11	7–8	0–5

GO KWALA LE GO TLHAGISA**KAROLO YA A: TLHAMO****MADUO: 50**

DINOMORO TSA DIPOTSO	DITLHOGO	MEFUTA YA DITLHAMO
1.1	Lenaneo le nkileng ka le lebelela mo thelebišeneng, mme la mpula matho.	Kanelo
1.2	Botlhokwa jwa go somarela madi.	Tlhaloso
1.3	Fa nka nna mogokgo wa sekolo ...	Maitlomo
1.4	Molemo le bosula jwa go nna rakgwebo.	E e sa tseyeng letlhakore
1.5	Maikaelelo a me mo dingwageng di le tlhano tse di tlang.	Kanelo
1.6	A go siame gore boradithekisi ba ngale ditiro.	Ngangisano
1.7 1.7.1-1.7.2	Lebelela ditshwantsho tse di latelang, mme o kwale tlhamo ka sengwe sa tsona. Neela tlhamo ya gago setlhogo.	Kanelo/Tlhaloso/E e sa tseyeng letlhakore/Ngangisano/Maitlomo

KAROLO YA B: DITLHANGWA TSE DILEELE TSA TIRISANO GAMMOGO LE DITLHANGWA TSE DI DIRISANG MEKGWA E E FAROLOGANENG YA TLHAELETSANO: MADUO - 30

DINOMORO TSA DIPOTSO	MOFUTA WA SETLHANGWA
2.1	Lekwalo la botsalano
2.2	Tsa botshelo jwa moswi
2.3	Athikele ya lokwalodikgang
2.4	Potsotherisano

KAROLO YA C: DITLHANGWA TSE DIKHUTSHWANE TSA TIRISANO: MADUO - 20

DINOMORO TSA DIPOTSO	MOFUTA WA SETLHANGWA
3.1	Phasalatso
3.2	Posekarata
3.3	Dikaelo

PALOGOTLHE YA TLHATLHOBO: 100

KAROLO YA A: MEFUTA YA DITLHAMO**1.1 TLHAMO YA KANELO**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Setlhogo	Dintlha tse di solofetsweng
Lenaneo le nkileng ka le lebelela mo thelebišeneng, mme la mpula matlho.	<ul style="list-style-type: none"> ✓ Motlhatlhojwa a ka tthalosa ka seo a se itemogetseng mo lenaneong. ✓ Motlhatlhojwa a ka bua ka se se mo gogetseng go lebelela lenaneo. ✓ A ka bua ka batsayakarolo le maina a mafelo. ✓ Motlhatlhojwa a ka bua ka ditiragalo ka go latelana. ✓ A ka tlhagisa thuto e a e ungwileng mo lenaneong.

Kaedi ya go tshwaya: Tlhamo ya kanelo

- Ditiragalo di tshwanetse go latelana sentle.
- Tlhamo e, e kwalwe ka paka e e fetileng.
- Matseno e nne a a ngokang.
- Kanelo go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bokhutlong.
- Setaele, puo le ditiragalo di tshwanetse go itumedisa babuisi.
- Go tshwanetswe go elwe tlhoko gore mofuta o wa tlhamo o a anela.

[50]**1.2 TLHAMO YA TLHALOSO**

Mokwadi mo tthamong e, o tthalosa sengwe ka mokgwa o mmuisi a tla itemogelang se se tlhalosiwang jaaka go batlega.

Setlhogo	Dintlha tse di solofetsweng
Botlhokwa jwa go somarela madi.	<ul style="list-style-type: none"> ✓ Motlhatlhojwa a ka re tthalosetsa mosola wa madi. ✓ Motlhatlhojwa a ka tlhagisa ditsela tse di farologaneng tsa go boloka madi. ✓ Motlhatlhojwa a ka tlhagisa mafelo a go ka bolokelwang madi kwa go ona. ✓ Motlhatlhojwa a fane ka dikeletso le go rotloetsa batho go boloka madi. ✓ Motlhatlhojwa a bue ka maitemogelo a gagwe ka ga tiriso e e botlhaswa ya madi.

Kaedi ya go tshwaya: Tlhamo ya tlhaloso

- Motlhatlhojwa o tshwanetse go bopa setshwantsho ka mafoko a a filweng.
- Motlhatlhojwa a tlihophe mafoko a a senolang maikutlo ka kelotlhoko go gorosa molaetsa sentle.
- Puo ya botshwantshi e dirisiwe ka boitshimoleledi.
- Motlhatlhojwa a bontshe fa a na le maitemogelo ka setlhogo se.

[50]

1.3 TLHAMO YA MAITLHOMO

Mo mofuteng o wa tlhamo, motlhatlhojwa o leba kakanyo, a bo a tliagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhomomo a gagwe.

Setlhogo	Dintlha tse di solofetsweng
Fa nka nna mogokgo wa sekolo ...	<ul style="list-style-type: none"> ✓ Motlhatlhojwa a ka bua ka seabe sa mogokgo mo sekolong. ✓ Motlhatlhojwa a ka bua ka tsamaiso ya sekolo. ✓ Motlhatlhojwa a tliagise mabaka a a dirang gore a eletse go nna mogokgo. ✓ A ka tliagisa diphetogo tse a ka di tliang mo sekolong.

Kaedi ya go tshwaya: Tlhamo ya maitlhomomo

- Tlhamo ya maitlhomomo e tseye letlhakore.
- Maikutlo a tsaya karolo e e botlhokwa.
- Karolo e kgolo mo tlhamong ke go tlhalosa. Ditlhaloso di tshwanetse go bonala, maikaelelo e le go tliagisa gape maikutlo a motlhatlhojwa a nako e e fetileng.
- Dikakanyo/Megopolo/Maikutlo di tshwanetse go senola boammaaruri le maitemogelo.

[50]

1.4 TLHAMO E E SA TSEYENG LETLHAKORE

Tlhamo ya mofuta o, e tliagisa dikakanyo kgotsa tshedimosetso ka tlhomamo. Mo mofuteng o wa tlhamo, motlhatlhojwa o tshwanetse go tlhalosa dikakanyo kgotsa dintlha ka tatelano, matlhakore a lekalekane.

Setlhogo	Dintlha tse di solofetsweng
Molemo le bosula jwa go nna rakgwebo.	<ul style="list-style-type: none"> ✓ Motlhatlhojwa a re tlhalosetse ka maikarabelo a rakgwebo. ✓ Motlhatlhojwa a re tliagisetse ka molemo le bosula jwa go nna rakgwebo. ✓ A tliagise ka ditlamorago tsa go nna rakgwebo. ✓ Motlhatlhojwa a ka khutlisa ka go rotloetsa batho go dira ditshwetso tse di siameng tsa kgwebo.

Kaedi ya go tshwaya: Tlhamo e e sa tseyeng letlhakore

- Setlhogo se tshwanetse go tihalogangwa sentle.
- Go botlhokwa gore se motlhatlhojwa a se buang kgotsa a se tlhagisang se tshagediwe ka dintlha tse di lekalekanang.
- Motlhatlhojwa o tthalosa bokao jo bo sa tlwaelegang gore mmuisi a tihaloganye setlhogo le fa e le gore ga a na kitso e e tseneletseng.
- Dikakanyo di rulagane, di lolame, mme di neye tthaloso go simolola ka tse di itsegeng go ya ka tse di sa itsegeng.
- Tlhamo ya mofuta o, e kwalwe ka pakajaanong.

[50]**1.5 TLHAMO YA KANELO**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo mathakoreng a a farologaneng.

Setlhogo	Dintlha tse di solofetsweng
Maikaelelo a me mo dingwageng di le tlhano tse di tlang.	<ul style="list-style-type: none"> ✓ Motlhatlhojwa a tthalose maikaelelo a gagwe. ✓ A tlhagise ditiragalo tse a tlleng go di dira. ✓ A tlhagise mabaka a a mo tlhotlheletsang go fitlhelela maitlhommo a gagwe. ✓ A tlhagise maikutlo a gagwe morago ga diphitlhelelo.

Kaedi ya go tshwaya: Tlhamo ya kanelo

- Tlhamo e, e kwalwe ka paka e e fetileng.
- Matseno e nne a a ngokang.
- Kanelo go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bokhutlong.
- Setaele, puo le ditiragalo di tshwanetse go itumedisa babuisi.
- Go tshwanetswe go elwe tlhoko gore mofuta o wa tlhamo o a anela.
- Ditiragalo di tshwanetse go latelana sentle.

[50]

1.6 TLHAMO YA NGANGISANO

Mo tlamong e, motlhatlhojwa o tthagisa kakanyo, ntlhakemo, mme a nganga ka maitlomo a go dibela ntlhakemo ya gagwe. Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tthagisa letlhakore le le lengwe, mme motlhatlhojwa a leke go pateletsa mmuisi go leba ditiragalo ka leitlho la gagwe.

Setlhogo	Dintlha tse di solofetsweng
A go siame gore boradithekisi ba ngale ditiro.	<ul style="list-style-type: none"> ✓ Motlhatlhojwa a tthagise gore o dumelana le setlhogo kgotsa nnyaya. ✓ A tthagise dintlha tse di tlotlheleditseng ntlhakemo ya gagwe. ✓ A neele dikao tse di tshegetsang ntlhakemo ya gagwe. ✓ A bue ka ditlamorago tse di amang ntlhakemo ya gagwe. ✓ Motlhatlhojwa a ka khutlisa ka go re neela thuto mabapi le ntlhakemo ya gagwe.

Kaedi ya go tshwaya: Tlhamo ya ngangisano

- Motlhatlhojwa a simolole ka go tthagisa ntlhakemo ya gagwe go bontsha boitshimoleledi.
- A neye mefutafuta ya dingangisano go tshegetsang ntlhakemo ya gagwe, mme a tihalose se.
- Tlhamo e, e tthagisa letlhakore le le lengwe, mme dikakanyo di tthagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tiriso ya puo.
- Puo e dirisiwe ka maikutlo, mme motlhatlhojwa a se ka a tlhoka maitseo.
- Bokhutlo bo tshwanetse go tthagisa kakanyo e e tlhomameng, e e tthaloganyegang, mme e pateletse mmuisi go dumalana le se se tthagisitsweng.
- Tlhamo ya mofuta o, e kwalwe ka pakajaanong. [50]

- 1.7 1.7.1– Tlhamo ya kanelo/maitlomo/e e sa tseyeng letlhakore/ [50]
1.7.2 ngangisano/Tihaloso.

PALOGOTLHE YA KAROLO YA A: 50

KAROLO YA B: DITLHANGWA TSE DILEELE TSA TIRISANO**2.1 LEKWALO LA BOTSALANO**

Lekwalo la mofuta o, ke lekwalo le o tseelang mongwe kgang/tlotlela, go mo leboga, akgola kgotsa go mo eleletsa masego.

Lekwalo la botsalano	Dintlha tse di solofetsweng
Motlhatlhojwa a kwalele tsala ya gagwe lekwalo a mo itsise ka dikgwetlho a nang le tsona mo go tswelletseng dithuto tsa gagwe pele.	<ul style="list-style-type: none"> ✓ Motlhatlhojwa a bolelele tsala ka dikgwetlho tsa gagwe. ✓ A tlhagise maikutlo a gagwe ka ga se. ✓ A tlhagise gore o ya go dira eng go bona thuso.

Kaedi ya go tshwaya: Lekwalo la botsalano

- Motlhatlhojwa a kwale aterese le letlha ka botlalo.
- Ditumediso di supe botsalano.
- Matseno a nne maleba le setlhogo.
- Diteng di bontshe go akgola le go leboga.
- Bokhutlo e nne jo bo kgodisang.
- Motlhatlhojwa kwa bofelong a ka tlhagisa mafoko a a latelang: (Ke nna/Tsala ya gago).
- Motlhatlhojwa a tlhagise leina la gagwe kwa ntle ga sefane.

[30]**2.2 TSA BOTSHELO JWA MOSWI**

Ke tshedimose tso e e tlhagisitsweng ka botlalo fela e le khutshwane, ka ga botshelo jwa yo o tlhokafetseng.

Tsa botshelo jwa moswi	Dintlha tse di solofetsweng
Motlhatlhojwa a kwale tsa botshelo jwa moswi ka morutwana ka ena, yo o tlhokafetseng ka ntlha ya bolwetse jwa kankere.	<ul style="list-style-type: none"> ✓ Motlhatlhojwa a latele sebopego sa go tlhagisa setlhangwa se ka tlhomamo. ✓ Motlhatlhojwa a tlhagise tshedimose tso ka dintlha tse di latelang: <ul style="list-style-type: none"> - Leina la moswi, letlha la matsalo, batsadi, boagi, dithutego, karolo ya moithuti malebana le tsa metshameko mo sekolong. ✓ Motlhatlhojwa a tlhagise gore loso lwa morutwana lo bakilwe ke eng. ✓ A dirise puo e e bonolo e bile e tlhaloganyega.

Kaedi ya go tshwaya: Tsa botshelo jwa moswi

- Motlhatlhojwa a tlhagise tshedimose tso ka dintlha tse di latelang: Leina la moswi, letlha la matsalo, batsadi, boagi, dithutego, tiro, seabe mo setšhabeng, kemo ya nyalo, jj.
- Motlhatlhojwa a neelane ka tshedimose tso ka botlalo, fela e nne e e maleba.

[30]

2.3 ATHIKELE YA LOKWALODIKGANG

E tshalosa karolwana ya dikgang tse batho ba kwalang dikgang dingwe kgotsa ba bega sengwe gore se buisiwe ke botlhe.

Athikele ya Lokwalodikgang	Dintlha tse di solofetsweng
Motlhatlhojwa a kwale athikele e e tsamaelanang le setshwantsho.	<ul style="list-style-type: none"> ✓ Motlhatlhojwa a tthagise setlhogo e bile a se tthalose. ✓ Mmegadikgang a tthagise leina la gagwe kwa tshimologong ya athikele. ✓ Mmegadikgang a nne le kgololosego ya go bega se a se boneng mo setshwantshong. ✓ Motlhatlhojwa o tshwanetse go tthagisa leina la felo, nako le maemo a tshedimosetso. ✓ A ka tthagisa ditlamorago tsa se se ka ttholwang ke setshwantsho. ✓ A ka tthalosa ka leswe le a le bonang mo lefelong leo. ✓ A ka tthagisa tshitshinyo ya gagwe ka se se ka dirwang go tokafatsa leswe le.

Kaedi ya go tshwaya: Athikele ya lokwalodikgang

- Motlhatlhojwa a kwale ka puo e e tthamaletseng.
- Motlhatlhojwa a a kwale ka maemo a mmui a motho wa boraro.
- Motlhatlhojwa a kwale ka tirwa.
- Athikele e tsenyeletse dinopolo, ditshwaelo, dikakanyo, dintlha le maitemogelo a batho.

[30]

2.4 POTSOTHERISANO

Potsotherisano ke mokgwa wa tthaeletsano o o dirisiwang ke batho ba le babedi kgotsa go feta go tthatlhoba motho yo mongwe. Sebui se sengwe se gwetlha se sengwe ka go botsa dipotso.

Potsotherisano	Dintlha tse di solofetsweng
<p>Motlhatlhojwa a kwale potsotherisano e a neng a e tsenetse le komiti ya madi ya setheo sa Bajaki.</p>	<ul style="list-style-type: none"> ✓ Motlhatlhojwa a thale pono pele ga potsotherisano e simolola. ✓ A bontshe kganggolo ya potsotherisano. ✓ Motlhatlhojwa a tlhagise tshedimosetso ka dintlha tse di latelang: <ul style="list-style-type: none"> - Maitemogelo a gagwe ka tsa kgwebo. - A tlhagise maano a a tlileng go a dirisa gore kgwebo e tswelelepele. ✓ A dirise dikhutlwana ka fa morago ga leina la sebui. ✓ A dirise mola o mošwa go supa sebui se sešwa. ✓ A dirise masakana go neela dikaelo/go gakolola babuisi. ✓ A bontshe ka moo a khutlisang potsotherisano e ka teng. ✓ Motlhatlhojwa a tlhalose gore kgwebo ya gagwe e tlike go nna le mosola ofe mo setšhabeng.

Kaedi ya go tshwaya: Potsotherisano

- Motlhatlhojwa a kwale ka mokgwa o moterama a kwalang ka ona.
- Dibui di nne pedi kgotsa go feta.
- Motlhatlhojwa a kwale setlhogo se go buisanwang ka ga sona.
- Dipolelo di nne dikhutshwane.
- Diteng tsa motlhatlhojwa di supe boitlhamedi, kelelo ya dintlha le go tsamaelana ga ditiragalo.
- Maina a dibui a tshwanetse go tlhagelela sentle.
- Motlhatlhojwa a dirise matseno, mmele le bokhutlo sentle.
- Kgang ya motlhatlhojwa e bontshe tshimologo, setlhoa le tharabololo.
- Puo le moonono di tsamaelane le ditiragalo.
- Motlhatlhojwa a dirise puo e e tlhamaletseng kgotsa e e loileng go tsamaelana le se se buiwang.
- Matshwao a puiso a tsamaelane le puisano.

[30]

PALOGOTLHE YA KAROLO YA B: 30

KAROLO YA C: DITLHANGWA TSE DIKHUTSHWANE TSA TIRISANO**3.1 PHASALATSO**

Phasalatso ke kitsiso e e rileng e e lemosang babuisi ka ga sengwe se se ka n nang botlhokwa mo matshelong a bona.

Mophasalatsi a ka dirisa dikuranta, dimakasine, seyalemowa, thelebišene go lemosa babuisi ka ga kgwebo.

Phasalatso	Dintlha tse di solofetsweng
Motlhatlhojwa a kwale phasalatso a lebile setshwantsho go ngoka batho ba ba ratang mafelo a boitapoloso.	<ul style="list-style-type: none"> ✓ Motlhatlhojwa a kwale lefelo la kgwebo, aterese le dinomoro tsa mogala. ✓ Motlhatlhojwa a tlhagise matsatsi le nako ya kgwebo. ✓ Motlhatlhojwa a tlhagise tlhotlhwa ya marobalo le dijo. ✓ Motlhatlhojwa a tlhagise metshameko le mefuta ya diphologolo tse di leng teng.

Kaedi ya go tshwaya: Phasalatso

- Letshwao la kgwebo le tlhagisiwe sentle.
- Bareki kgotsa badirisi ba ba tobilweng.
- Nako ya ditirelo e tlhagisiwe sentle.
- Puo e ngoke babuisi.
- Tshedimosetso ya megala le leina la yo go ka ikgolagangwang le ena di tlhagisiwe.

[20]**3.2 POSEKARATA**

Ke mokgwa o a ka o dirisang go tsibosa kana go lemosa batho ka tiragalo nngwe. E nne le tshedimosetso, e tlhotlheletse le go ruta.

Posekarata	Dintlha tse di solofetsweng
Motlhatlhojwa a kwale posekarata e mo go yona a lebogang tsala ya gagwe e e mo reketseng buka ya thotloetso ka ntlha ya gore a falotse.	<ul style="list-style-type: none"> ✓ Motlhatlhojwa a kwale molaetsa wa ditebogo. ✓ Motlhatlhojwa a bontshe ka moo mpho e a e boneng e tlleng go mo tswela mosola ka teng. ✓ Motlhatlhojwa a dirise puo e e maleba e bile e tshwanela motho yo o lebogang. ✓ A ka tlhagisa ka moo mpho e, e tlleng go mo direla segopotso.


Kaedi ya go tshwaya: Posekarata

- Molaetsa o tlhamalale mo go se o se lebogang.
- Go kwalwe dipolelo tse di bonolo le gone di nne dikhutshwane le go tlhaloganyega.
- Maitlhommo a motlhatlhojwa a tlhagelele sentle.
- A karata e tlhagise molaetsa sentle.
- Motlhatlhojwa a bontshe dinomoro tsa mogala le lefelo koo a ka fitlhelwang teng.

[20]

3.3 DIKAELO

Go kaela tsela ke tshedimosetso e e abiwang fa mongwe e ka nna moeng kgotsa moagi yo mošwa mo lefelong le le rileng a batla tsela ya go ya kwa go rileng.

Dikaelo	Dintlha tse di solofetsweng
Motlhatlhojwa a kwalele ditsala tsa gagwe dikaelo tsa tsela go tloga kwa Hiddingh Campus go fitlha kwa Rondebosch Park, ba dirisa mmila wa Phillip Kgosana le mmila wa Klipper.	<ul style="list-style-type: none"> ✓ Motlhatlhojwa a neele leina la lefelo le loeto lo tla simololang kwa go lona. ✓ Motlhatlhojwa a bontshe tsela ka go dirisa matshwao a tsela, dikago le maina a mebila kgato ka kgato. ✓ Diteng di bontshe thulaganyo e e lolameng. 

Kaedi ya go tshwaya: Dikaelo

- Diteng di nne dikhutshwane.
- Dintlha tsa botlhokwa le tse di maleba fela di tlhagisiwe.
- Dikgato di tlhagisiwe sentle ka tatelano.
- Puo e e dirisiwang e nne e e lolameng.
- Ditshwantsho le dithalo ga di a tshwanela go abelwa maduo.

[20]

PALOGOTLHE YA KAROLO YA C:

20

PALOGOTLHE YA TLHATLHOBO:

100